

HAMALAU GARREN ORDENANTZA FISKALA

ORDENANTZA HONEK IREKITZEKO LIZENTZIARI DAGOKION TASA ERREGULATZEN DU.

I. ARRAZOIA ETA IZAERA.

1. Artikulua.- Udal honek, 5/89 Foru Arauaren arabera, horrek arautzen baititu Lurralde Historikoko Toki Ogasunak, establezimenduak Irekitzeagatiko Lizentziaren gaineko Tasa ezarri eta horren ordainketa exijitzen du, hori Ordenantza Fiskal honek arautuko du, eta horko Arauak aipatu Foru Arauan aurrikusitakoa garatzen dute.

II. ZERGAPEKO EGITATEA.

2. Artikulua.-

1.- Tasaren zergapeko egitatearen barruan kokatuko da udal jarduera, bai teknikoa bai administratiboa, hori zuzendua badago egiaztatzen, establezimendu industrial, merkataritzako eta gainontzeko lokalak irekitzeko baimena eman aurretik, toki horiek lasaitasun, sanitate, segurtasun, osasungarritasun eta beste edozein baldintza betetzen dutela, hain zuzen ere Udal Ordenantzek eta Araudiek eta Araudi Orokorrek horien funtzionamendu normalerako exijitutakoak, izan ere hori baita beharrezko eta aurretiazko baldintza, Udalak irekitzeko baimena eman dezan.

2.- Ondorio horretarako, irekitze izaera izango du:

a) Lehenengo bider, bere jarduerari hasiera emateko, establezimendua instalatzen denean.

c) Establezimenduan garatutako jardueraren aldaketa edo haunditzea, nahiz eta titular berak jarraipena eman jarduerari.

d) Establezimenduaren haunditzea eta hor eragindako edozein aldaketa, baldin eta artikuluko honetako 1. zenbakian adierazitako baldintzei eragiten badie, eta horiei buruzko egiaztapen berria egin behar bada.

3.- Establezimendu industrial edo merkataritzakoa dela joko da, bizitzeko egokia den edozein eraikin, publikoari irekita egon hala ez, horrek ez du erabat etxebizitzara destinaturik egon behar, eta gainera:

a) Jarduera enpresarial, industrial, edo artisautzako, eraikuntzako, merkataritzako edo zerbitzuko jardueretara dedikatzen direnak, baldin eta Jarduera Ekonomikoen gaineko Zergari loturik badaude.

b) Jarduera horiek garatzen ez badira ere, haien osagarri edo lagungarri badira edo haiekin zerikusia badute eta onurak edo ustiapenak ematen badizkiete, esate batera, egoitza sozialak, agentziak, entitate juridikoen ordezkaritza edo sukurtsalak, bulegoak, langelak, idazgelak edo estudioak.

III. SUBJEKTU PASIBOA

3. Artikulua.- Zergadunak izango diren subjektu pasiboak izango dira, bai pertsona fisikoak edo juridikoak bai Bizkaiko Lurralde Historikoko Zergari buruzko Foru Arau Orokorreko 34. artikulua aipatzen dituen entitateak, horiek garatu nahi diren

jardueren titularitatea badute, edo bere kasuan, jarduera aurreko artikuluan adierazitako edozein establezimenduetan garatzen bada.

4. Artikulua.-

1.- Bizkaiko Lurralde Historikoko Zergaren gaineko Foru Arau Orokorreko 40 eta 41 artikuluetan aipatutako pertsona fisiko eta juridikoek, subjektu pasiboek dituzten zerga-obligazioen gainean, solidarioki erantzungo dute.

2.- Ordezko erantzunkizuna izango dute, bai sozietateetako administratzaileek, bai sindikoek, bai porrotetako, lehiaketetako, sozietateetako eta orokorrean edozein entitateetako kontuhartzaile edo kitatzaileek, aurretik aipatutako Zergaren gaineko Foru Arau Orokorreko 42. artikuluan adierazitako kasuetan eta eskumenetan.

IV. ZERGAREN KUOTA.

5. Artikulua.- Ordenantza honetan arautu den tasa dela eta, ordaindu beharreko kuotak, hurrengo hauek izango dira:

1.- Aldi bateko irekitze-lizentziek, hiruhilabetekotik gorakoak ez direnean, kopuru finkoa ordaindu beharko dute, hain zuzen, 148,00 €.

2.- Irekitze-lizentziek mailaz mailako ordainketa izango dute, hurrengo tarifaren arabera:

- a) Establezimenduaren azalera 200 m² artekoa denean.....10,65€/m².
- b) 200 m²-tik gorakoa. Establezimenduaren azalera 1.000 m² artekoa denean:..... 8,45€/m².
- c) Establezimenduaren 1000 m².tik gorako azalera.....6,80€/m².

3.- Jarduera handitzeko baimenak edo jatorrizko baimenean ezarritako baldintzak aldatzen direlako ematen direnak, hurrengo tarifaren arabera ordainduko dute zerga:

- a) Baldin eta jarduera handitzeko baimenak edo jatorrizko baimenean ezarritako baldintzen aldaketa-baimenak eremu zehatz eta konkretu bati eragiten badio, kuota zehazteko orduan, aipatu eremuari, aurretik adierazi den tarifa aplikatuko zaio.
- b) Baldin eta eskatzen dena jarduera handitzeko baimena bada, edo baimenaren baldintzak aldatzea, edo makineria edo instalazioak aldatzea, kuota finkoa honako hau izango litzateke, sortzapena ematen den unean, hau da, jarduera horretarako ezarria legokeen udal kuotaren % 50, Jarduera Ekonomikoen Zergari dagokion bezainbatean.

4.- Tarifek %30eko beherapena izango dute, baldin eta lizentzia 165/1999 Dekretuan aurreikusitakoaren arabera izapidetzen bada.

5.- Zergaren kuota ezingo da, inolaz ere, 16.733,14€ baino handiagoa izan, hori baita kuota gehienezkoa.

Zergaren kuota ezingo da, inolaz ere, 264,17€ baino txikiagoa izan, hori baita gutxienezko kuota.

V.- TARIFEN APLIKAZIORAKO ARAUAK

1.- Establezimenduak duen eremuaren hedadura zehazteko orduan, eremuak duen zabaleraren erabatekoa eukiko da kontutan, eta horretarako lokalen eremu neurgarriaren kalkulurako Jarduera Ekonomikoen Zergako argibideetan ezarritako arau berak aplikatuko dira.

Hala ere, ibilgailuen garajeak Irekitzeagatiko Tasen likidazioak direnean, publikoari "aparkaleku" zerbitzua eskainiaz, hustiaketa ekonomikoa ateratzeko helburua dutenak, partzelen eremu erabilgarria bakarrik hartuko da kontutan, eta likidazioaren ondoriotarako ulertuko da, partzelak, trasteleku eta garbiketako makinak soilik osatzen dutela hori; kanpo gelditzen dira beraz, sarbideko arrapalak, zutabeak, barneko pasabideak eta segurtasuneko instalazioak.

Irekita dauden establezimenduen aldamenekoak, nola diren gordetegiak, erakusketarako lokalak etab., tasa hori ordaindu beharko dute, eta irekitze-baimena beharko dute, establezimendu nagusiak behar duenaren apartekoa.

2.- Eskatutako baimena ukatuko litzatekeen kasuan, hala nola hori eman baino lehen uko egingo balitzaio baimenari, baimen hori emanez gero, ordaindu behar lukeenaren % 20ra murriztuko da tasa. Baimena eman ondoren egingo balitzateke errenuntzia, irekitzea gertatutako kasuan bidezkoa izango litzatekeenaren % 50ekoan murriztuko da tasa.

3.- Irekitze Baimena, aurretik beste jarduera bat egiteko baimena duen lokalean egiteko helburuz, beste jarduera berri baterako eskatuko balitz, orduan ulertuko da, kontrako probarik ezean, jarduera berrira destinatuko den azalera, lokaleko azalera osoan egiten diren jarduera guztien artean banatu ondoren gertatzen den emaitza dela.

VI. ZERGAREN SORTZAPENA ETA ORDAINTZEKO OBLIGAZIOA

6. Artikulua.-

1. Zergapeko egitatea osatzen duen udal jarduerari hasiera ematen zaionean sortzen da tasa hau eta orduan jaiotzen da ordaintzeko obligazioa. Ondorio horietarako, jarduera horri hasiera eman zaiola ulertuko da, irekitzeko baimena eskatzen den egunean, baldin eta subjektu pasiboak hori, esanbidez, formulatzen badu.

2.- Baldin eta irekitzea, beharrezko lizentzia lortu aurretik, gertatu bada, tasa sortuko da, establezimenduak baldintzak betetzen dituen edo ez erabakitzeko helburuz, udalak bere jarduerari hasiera ematen dionean.

VII. AITORPENA

7. Artikulua.-

1.- Irekitzeko lizentzia lortzeko interesa dutenek Erregistro Orokorrean aurkeztuko dute beroiei dagokien eskaria, baina hor, lokalean garatuko duten edo dituzten jharduerak zehaztuko dituzte, eta tasaren likidazioa egiteko oinarri gisa hartuko diren inguruabarrak justifikatzeko dokumentuak, horri, erantsiko dizkiote, hala nola eskaria izapidetzeko beharrezko suerta daikezkeen gainontzekoak, indarrean dauden xedapenaten ezarrita dagoen bezala.

2.- Irekitzeko lizentzia eskatu ondoren, establezimenduan garatuko den jarduera aldatu edo hori handitu egingo balitz, edo establezimendu horretarako jarritako baldintzak aldatuko balira edo hasieran aurreikusitako lokala handitu egingo balitz, aldaketa horren berri Udal Administrazioari eman beharko zaio.

VIII. SARRERAK.

8. Artikulua.-

1.- Tasaren zenbatekoa, zeina Zergen Kudeaketa eta Ikuskapen Atalak likidatuko duen, irekitze lizentziaren gainean egoki den udal ebazpena eman ondorenean, Udal Diruzaintzan sartuko da, dagokion lizentzia kendu aurretik.

2.- Artikulu honetako 1. atalean xedatutakoaz gain, Alkate Udalburuak, tasa, aurretiaz gordailatu dezala erabaki dezake, eta hori Lizentziaren eskaria egiten den aldi berean egiaztatu beharko da. Gordailatze horrek behin-behineko kitapenaren izaera eukiko du, lizentzia ematean praktikatu den behin-betiko likidazioa egin bitartean.

IX. ZERGEN GAINEN ARAU-HAUSTEAK ETA ZEHAPENAK

9. Artikulua.- Iruzurgileak bezala hartuko dira, eta beraz, zigortuak izango dira, Bizkaiko Lurralde Historikoko Tributuen Foru Arau Orokorrean aurrikusitakoari eta hori garatzen duenari jarraiki:

- a) Baimena lortu eta eskubideak ordaintzeko obligazioa duten lokal edo establezimenduetako jabeak, baldin eta ez balute baimenik eskatu eta lortu, eta ezta ere eskubiderik ordaindu.
- b) Dagozkien eskubideen ordainketa sahiesteko edo murrizteko helburuz edozein egintza edo ez-egite egin dezaketenak.
- c) Zehapena jartzeak ez du inoiz, preskribitu gabeko bainan sortuak dauden kuoten likidazioa eta kobrantza, egitea galaraziko.

X.- ORDEZKO ARAUTEGIA

10. Artikulua.- Ordenantza honetan eta Udal Ordenantza Teknikoan aurrikusi gabeko guztian, Ordenantza Fiskal Orokorra izango da aplikagarri.

AMAIERAKO XEDAPENA

Ordenantza hau behin betiko onetsi da, eta egin zaizkion aldaketekin batera, 2008ko urtarrilaren 1ean indarrean sartuko da, eta indarrean egongo da, hori aldatu edo indargabetzea erabaki arte.

(Udalbatzaren erabakiz aldatua, 2008ko irailaren 25eko osoko bilkuran.)